



Hans Enoksen (Partii Naleraq)
Inatsisartunut ilaasortaq

§ 37 naapertorlugu pisortat allaffeqarfianni aningaasartuutit millisinneqarnissaat pillugu apeqqummut akissuteqaat

23-04-2015
Suliap nr. 2015-110239
All. nr. 1946479

Asasara Hans Enoksen,

P. O. Box 1037
3900 Nuuk
Oqarasuaat +299 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu naalakkersuisoqarfinni assigiinngitsuni nutserinermut aningaasartuutit pillugit Naalakkersuisunut apeqquteqarputit. Apeqqummut akissutigata ataani takuneqarsinnaavoq.

1. Naalakkersuisoqarfinni nutserisitsisarnermi ukiumut qanoq annertutigisunik aningaasartuuteqartarpat?

Namminersorlutik Oqartussat naalakkersuisoqarfinni nutserinermut aningaasartuutaannut Nutserisoqarfik Aningaasaqarnermut Sulisoqarnermullu Aqutsisoqarfimmi inissisimasooq ilaavoq, avataanit nutserisunik atuineq kiisalu suliffeqarfimmi pitsaassutsimik nakkutiginninneq oqatsillu teknologiikkut ineriartortinnerannut aningaasartuutit.

Qitiusumik allaffeqarfimmut allakkatigut nutserineq toqqaannartumillu oqaluttaaneq Nutserisoqarfiup isumagisarai. Ullumikkut Naalakkersuisoqarfiit tamarmik Nutserisoqarfimmi atuisuunngillat piffissallu ilaani Nutserisoqarfimmi ulapinnerujussuaq pissutigalugu naalakkersuisoqarfiit ataasiakkaat piffissaq eqqorlugu nutserititsiniarlutik nutserisunik avataaneersunik ikiorteqartarput. Nutserinermi annaasaqannginnissaq qularnaarniarlugu, naalakkersuisoqarfiit ataasiakkaat namminerminni nutseriikkat pitsaassusiinik misissuinerminik suliaqartarput. Nutserinermut aningaasartuutit pingasunut agguarneqarsinnaapput:

- Nutserisoqarfimmut aningaasartuutit
- Avataanit nutserisunik ikiorteqarnermut naalakkersuisoqarfiillu ataasiakkaat namminerminni nutseriikkat pitsaassusiinik misissuinerinut aningaasartuutit.
- Oqaatsit teknologiikkut ineriartortinnerannut aningaasartuutit

Nutserisoqarfimmut aningaasartuutit

Nutserisoqarfik 2014-imi 7.141.047 koruuninik aningaasartuuteqarpoq. Tassani akissarsianut ingerlatsinermullu aningaasartuutit ilapput. Nutserisoqarfiup qitiusumik

allaffeqarfik sullippaa taamaattumillu aqutsisoqarfinnut amerlasuunut nutserissussineq, taamaattorli naalackersuisoqarfinnut suliassat amerlanersaat isumagineqarput.

Avataanit nutserisunik ikiorteqarnermut suliffeqarfimmilu namminermit pitsaassutsimik nakkutiginninnermut aningaasartuutit

Kisitsisit ataaniittut 2014-imit tunngaveqarput imaqarlutillu avataanit nutserinernik suliffeqarfimmilu namminermit pitsaassutsimik qularnaarineq. Naalackersuisoqarfiit nammineq pitsaassutsip qularnaarnissaanut piffissaq atortagaat akitigut aalajangersaaffigissallugu nalunartorujussuuvoq taamaattumillu kisitsisit taakkua naliliinerupput. Kisitsisit naalackersuisoqarfiit oqartussaaffiit 2014-imi qinersineq sioqqullugu agguarneqarput. Tamanna pissuteqarpoq, naatsorsuutit 2014-imi qinersinnermut atatillugu oqartussaaffiit allanngornerinut tulluarsarneqarsimanngimmata.

Tabeli 1: Avataanit nutserinnermut aamma naalackersuisoqarfinnut agguarlugu pitsaassutsimik qularnaarinnermut aningaasartuutit	
Naalackersuisoqarfik	Aningaasartai
Naalackersuisut Siulittaasuata Naalackersuisoqarfia	423.867
Aningaasaqarnermut Nunamullu namminermit Naalackersuisoqarfik	428.938
Inuussutissarsiornermut Aatsitassanut Suliffeqarnermullu Naalackersuisoqarfik	2.108.308
Ilaqutariinnermut Inatsisinillu Atuutsitsinnermut Naalackersuisoqarfik	656.909
Aalisarnermut Piniarnermut Nunalerinnermullu Naalackersuisoqarfik	931.500
Avatangiisinut Pinngortitamullu Naalackersuisoqarfik	1.171.003
Ineqarnermut Naalackersuisoqarfik	237.452
Peqqissutsimut Attaveqarnermullu Naalackersuisoqarfik	806.750
Ilinniartitaanermut Ilageeqarnermut, Kultureqarnermut Naligiissitaanermullu Naalackersuisoqarfik	589.500
Nunanut Allanut Pisortaqarfik	24.123
Katillugit	6.721.441

Oqaatsit teknologiikkut ineriartortinnerannut aningaasartuutit

Nutserinerup pitsaassusaa pitsaanerulersinniarlugu naammassisaqarsinnaanerlu annerulersinniarlugu 2012-imi nutaamik digitalikkut nutserissummik ataqatigiimmik aaqqissuussineq atulersinneqarpoq. 2014-imi aningaasartuutit katillugit 1.200.000-upput.

2014-imi naatsorsorneri katillugit.

Tabeli 2-mi 2014-imi aningaasartuutit katinneri takuneqarsinnaapput.

Tabeli 2: Aningaasartuutit ataatsimut isigalugit	
Nutserisoqarfimmut aningaasartuutit	7.141.047
Avataanit nutserinermut aamma pitsaassutsimik qularnaarinermut aningaasartuutit	6.721.441
Oqaatsit teknologiikkut ineriartortinnerannut aningaasartuutit	1.200.000
Katillugit	15.062.488

Qanoq iliorutta naammassisaqartarneq sulii annertunerulersissinnaaneripput kiisalu nutserinerup pitsaassusaa pitsaanerulersissinnaaneripput Aningaasaqarnermut Sulisoqarnermullu Aqutsisoqarfiup siumut sammisumik ukkanniarpaa. Oqaatsit teknologiimut tunngatillugu sammineqassapput, teknologiip tapersersuutaanera kalaallit oqaasiisa siuarsarneqarnerannut qularnaareqataassaaq. I 2015-imi kommuninik suleqateqarneq aallartinneqarpoq, nutserinermi ataqatigiissumik aaqqissuussineq ataatsimoorussamik siammarterivittut ataatsimoorussamillu fagini taaguutit pillugit paasissutissanut katersuiffittut atorniarlugu. Aammattaaq nutserisunut avataaneersunut aningaasartuutit appartinniarlugit nutserisarnerup pisariillisarnissaa aamma Namminersorlutik Oqartussat Nutserisoqarfiata nukittorsarnissaa Aningaasaqarnermut naalakkersuisoqarfiit ukkanniarpaat.

Inussiarnersumik inuulluaqqusillunga

Med venlig hilsen



Anda Uldum